

“დინამო” (თბილისი) – “დინამო” (ლენინგრადი) 2:1 (2:0)

ამ მატჩს ძნელთა რიგს ვერ მივაკუთვნებთ. წლევანდელი საფეხბურთო სეზონის პირველ შეხვედრაში ლენინგრადის “დინამოსთან” ჩემპიონს უნდა გაემარჯვა და გაიმარჯვა კიდევ.

მატჩი მასპინძელთა შეტევებით დაიწყო. მე-5 წუთისთვის თბილისელებს უკვე 4 კუთხური ჰქონდათ მონოდებული. კარის აღების ხელსაყრელი შესაძლებლობა დაიკარგა მე-5 და 21-ე წუთებზე.

25-ე წუთზე ლენინგრადელებმა თითქოსდა მოიგერიეს თბილისელთა მორიგი იერიში და აქვე შეცდომაც მოუვიდათ. ზუსტად ითამაშა გუცაევმა – 1:0.

ჩემპიონმა თამაშის პირველ ნახევარში კიდევ ერთხელ აიღო სტუმართა კარი. 39-ე წუთზე მცველთა შორის მოხვედრილი დარასელიას დარტყმამ მიზანს მიაღწია – 2:0.

შეხვედრის ბედი ფაქტურად გადანყვეტილი იყო და შესვენების შემდეგ თბილისელებმა შესამჩნევად უკლებს ტემპს. გახშირდა მოკლე გადაცემები. ლენინგრადელებს დასაკარგი არათფერი ჰქონდათ, იგრძნეს მეტოქის მოდუნებაც და თამაშიც გათანაბრდა. ალბათ საუსებით ლოგიკური იყო 85-ე წუთზე მასპინძელთა კარში გატანილი ბურთიც. მცველთა და მეკარის შეუთანხმებლობით კარგად ისარგებლა გერასიმოვმა – 2:1. მატჩი ასეც დამთავრდა.

ზოგიერთი დეტალი. თბილისელებმა პირველ ნახევარში მოაწოდეს 7 კუთხური, ლენინგრადელებმა – 1, მეორე ტაიმში შესაბამისად 4 და 0.

მასპინძლებმა პირველ ორმოცდახუთ წუთში 12-ჯერ დაარტყეს მეტოქის კარში, სტუმრებმა – 7. მეორე ორმოცდახუთ წუთში სურათი მკვეთრად შეიცვალა, დარტყმების ანგარიშია 7:7.

გუნდები თამაშობდნენ ასეთი შემადგენლობით: თბილისის “დინამო” – გაბელია, კოსტავა, კანთელაძე, ჩივაძე, გ. მაჩაიძე, დარასელია, მ. მაჩაიძე, სულაქველიძე, გუცაევი, ჭილაია (მინაშვილი), შენგელია (ჩელევაძე); ლენინგრადის “დინამო” – კალინინი, კუზნეცოვი, ა. სტრეპეტოვი, ჭოხონელიძე, ს. სტრეპეტოვი, ბაკალეცი, აფანასიევი (კოკორევი), ბელოვი, პოლიაკოვი (გერასიმოვი), უელუდკოვი, ხრომჩენკოვი. მატჩს სჯიდა დონეცკელი დ. მიზერნი.

ბ. ირემაძე.

“ლელო”, 1 მარტი, 1979 წ.